

# CENSURA

D. D. JOSEPHI MOLINER ET POUDEVIDA,  
*J. Cti. Rectoris Collegii Conceptionis B. Mariæ Virginis,  
 & Institutionum Justinianearum in Alma Universita-  
 te Cervariensi Pub. Professoris.*

**C**ommentarios, quos ad libros Quæstionum Q. Cervidii Scævola-  
 læ scripsisse fertur J. C. D. Joannes Altamiranus, ex commis-  
 sione Perillustri D. D. Bartholomæi Tarragò, Vic. Gen. &  
 Offic. Cœlfonen. Sede vacante, iustravi lubens, ac eò avidiore perlegi  
 voluptate, quo cum privatis delitescere chartis cognovissem, tenacior  
 occultandi arserat ambitio. Sed voti compos, dum Scævola in pertra-  
 ctandis, definiendisque Juris quæstionibus dexteritatem, ac divinum  
 penè demiror ingenium; Auctoris in earundem perscrutandis rationi-  
 bus, sententiisque exponendis par agnosco judicium. Quippe sensa le-  
 gum certissimis super principiis ea construit arte, ut si basim intuear,  
 nihil solidius; si consurgentis ædificii subtilitatem cum perspicuitate  
 conjunctam mediter, nihil inveniatur concinnius. Emulatus abs dubio  
 Virum primarium, ac consummatissimæ eruditionis Gallum, Jacobum  
 Cujacium, qui dum ad textuum adyta viam sternens fundamenta ja-  
 cit, plus in cujusque interpretationis vestibulo effundit doctrinæ, quam  
 integris commentariis Interpretum plerique, trahendis difficultati-  
 bus, cavillisque ciendis adeo addisti; ut tricarum omnium quasi mo-  
 ta camarina, in obscurandis potius, quàm revelandis legum mysteriis  
 omnes ingenii sui nervos intendisse videantur. Dicendi ratio non in-  
 elegans, neque fucata, sed prout Juris scientiæ decet majestatem,  
 pura, gravis, & ad veterem Latini sermonis nitorem propè exacta.  
 Ingenium acre, & solers, eoque pollens acumine, ut dum se se textuum  
 medullis insinuat, nulla sit difficultas, quam ingenii sui non excitet  
 perpicacitas, nulla, quam excitatam dexterrima ipsius non diluat cri-  
 sis. Auctorum parvi pendet traditiones: quoniam rationum momen-  
 ta cum ad judicii trutinam tanta revocet solertia; in prægnantiore,  
 quæque præ cæteris pugnat urgentius, solum conquiescit. Humanioris  
 etiam litteraturæ vividas quandoque evibrat scintillas, quæ sicut operi  
 miram conciliant gratiam, ita cultissimam in Auctore ad majora mo-  
 lienda omni scia eruditionis præferunt paraturam. Quæ Scævola de-  
 nique concepit, tam germano exprimit caractere; ut in his edisse-  
 ren-





# D. JOANNIS ALTAMIRANI

ET VELAZQUEZ, JURIS CONSULTI,

AD XX. LIBROS QUÆSTIONUM

Q. CERVIDII SCÆVOLÆ

COMMENTARIUS.



De Q. Cervidio Scævola, ejusque scriptis

SUMMARIUM.

**C**ERO. Scævola quo tempore floruerit. M. Antonino Philosopho fuit à consiliis. Lux adfertur l. ult. de serv. export. & l. qui Romæ 22. §. Flavius 2. de V. O. & conciliantur cum l. Paulus 39. de liber. caus. l. pen. qui sine manumiss. l. 10. de in jus voc. Exponitur l. vero 12. de minor.

2 Scævola prænomen Quintus: no-

men Cervidius, non Servilius: cognomen Scævola.

3 Scævola ingenio magno, Jureconsultorum prudentissimus, Coryphæus Legum Prudentum: Ejus auditores Papinianus, Ulpianus, Paulus, Triphoninus. Lampridii error.

4 Scævola opera.



**I**MPERABAT Marcus Aurelius Antoninus cognomento Philosophus, quo tempore Cervidius noster floruit, nam ejus auctoritate decisionem l. 39. de legat. 1. confirmat; & eo præcipue Consulto Divum Marcum usum, fatetur Capitolinus in ejus vita; imò & eo imperante decessit: nam celebre ejusdem Marci,

& Commodi rescriptum ad Aufidium Victorinum, cujus sapissimè

A

men-





D. D. JOANNIS  
[ALTAMIRANI  
ET VELAZQUEZ, J.C.  
IN LIBROS QUÆST.

Q. CERVIDII SCÆVOLÆ  
COMMENTARIIS: